

春

融

堂

集

春融堂集卷十九

青浦 王 昶 德甫

杏花春雨書齋集

五 戊申

丙午 丁未

送史誦芬歸吳江

參旗井鉞遍巖疆

君游甘肅最久

重向青門促辦裝風樹幾年懷馬

鬣

時回南

關河千里問騾綱讀書樓迴居偏勝

君有讀書樓

雪灘高夏正涼問訊休文銷瘦否

謂沈炯

不嫌詩酒共清狂

春雨兼旬讀來殷欲游杜曲未果請詩感題其後并

寄

手把芳華作寓公清游無暇苦忽忽人憐花月時難得天斬
琴樽句易工白閣煙巒連夜雨紫薇坊巷幾番風雙清心迹
何由遂寄與春明此恨同

慈恩寺牡丹盛開中丞同幕府諸人並集

名花開遍鳳城西，簇仗鳴騶上客齊。
風落珠璣生咳唾，香浮翰墨走雲霓。
穠華祇覺春如海，酣適俱拚醉似泥。
總是昇平同樂意，攜街聽唱白銅鞮。

口號

猿亡楚國竟何緣，大索還因壤地連。
正是星河好時節，明朝一騎下藍田。

七月十七日夜宿藍田行館半庵見過留飲有作

暫出青門第一程，故人解后又班荆。
爰書初罷三千牘，危棧將盤十二崢。
樂潮鼓湖游未遂，時以抵暮不及濟，翻川。玉山藍水志將

成

半庵因修縣志在此

夜闌笑指如珪月，看取秋中酒再傾。

秦嶺謁韓文公廟

終南太華高插天，劃開梁雍分星躔。東西綿互迫千里，中條
太乙相鉤連。岐汧商洛亦映帶，深山大壑蟠雲煙。我昨奉使
行藍田南，望此嶺心道。然天雞未鳴，促戒道將歷阻隘。踰崇
巔盤旋，倉磴八九折。松杉絕頂飄旌旃，文公祠廟倚岡阜。丹
青棖桷開崇筵，下鞍繫馬入階阼。香龕燈火昭精禋，袞衣繡
裳氣象肅垂紳。搢珽神明度當時，上疏罔忌諱。潮陽瘴癘窮
瀛壖，蝦蟇皴炮作飲饌。鱷魚牙齒森戈鋌，生平學道足自衛。
俛仰寧止生憂煎，相傳雲橫雪擁處。湘子幻術開金蓮，人天
調御尙詆斥。肯以怪異歸神仙，唐人稗說喜附會。好瀆賢哲
非真詮，鄉農伏臘競趨走。歲時簫鼓爭誼鬪，坐受肝鬲此亦
得。自與嶽瀆垂千年，裊裊再拜行別去。且恐疾雨來靈淵，況
我得失知分定。巫恒不用占筮尊。

神前廟祝出示杯筴之具
故用公宿相嶽廟詩句

由商州赴山陽作

稻香風露滿溝塍，差喜農家歲事登。
秋樹青黃分五色，楚山蒼翠出千層。
長征鈴馱原如客，垂老齏鹽漸似僧。
余時茹素最是漏天情緒惡，頻宵寒雨濕行旌。

詠商山四賢

四皓洞庭居潔身，乃避世迄今月里村。
煙波入鬢，鸞何爲商洛間。
高風亦宛在，往來建成家，應被畱侯累。
終南有捷徑，今古同一慨。
四皓

朝乘太白雲，夕屆含元殿。
樂事萬方同，陳詞類諷諫。
脫鞵乃敢噍，捧硯亦何羨。
行行過楚山，峯巒愛葱蒨。
愚弔國綺亡，與誰共游宴。
太白

玉溪苦依人，商顏頻駐足。
清辭狀絕景，崎嶇宛在目。
收果猿

出林退香麝投谷一時乾
驥子同工亦異曲人迹板橋霜朝

來見幽躅

義山飛驒皆在商州幕府

翰林少英偉騰身入臺閣
論古記恢張陳詞動審諤
直道世難容屢出到商洛
一見蓮座書天涯感小畜
千載誰知心像

贊長公作

王元之謫居商州蘇文忠公有贊

棣花鋪道中

梅峯槭峪路逶迤秋氣蕭森
軫客悲力不禁風黃葉墜色偏
宜雨碧苔滋仙人種藥留餘迹
高士清游剩舊祠有四始祠欲問
苻菁東下路亂山荒壘戍樓鼓

武關

少習山高夕照曛嚴關直上
接着雲道長豈免心千折
逕狹頻垂足二分自古雍梁稱
阨塞當年秦楚屢懸軍昇平不用

九泥守戍柝空煩隔嶺聞

苦雨

不信來陰地經過盡漏天灘高翻岸雪雲重壓村煙紅黥瘡
楓徑黃低沒稻田蓬窗官燭底蕭颯更無眠

梳洗樓

傍有仙女廟

危逕時時斷疎林葉葉斑路通商雒縣水入夔川關風土仍
三戶人煙接百蠻羈愁憐野鳥日暮又知還

淮南道中

熊耳連雲棧雞頭舊日封治經秦內史郡入漢宏農溪澗條
條合煙嵐處處濃丹崖兼白石勝景不時逢

山木家家伐溪泉處處流空場鳴磔礧密樹語鉤輞負耒來
何衆誅茅意未休

時楚蜀人多在此墾荒

詰奸嚴令下哀柝殷層樓

自山陽至晏川關將由漢江行

老去空憐意氣豪羣山俯視等連鼇伏波仍試青驄博望
將凌日鷺濤暮雨欲來雲影亂寒江初落石棧高晏胡褶袴
生平事誰分悲秋學楚騷

過銀花河

苦竹叢深澀馬蹄山雲忽合雨淒淒繒關傍嶺青楓密楸峪
分流碧稻齊湘子洞深迷翠靄宜娘寨險接丹梯銀花東去
猶餘暖時聽清蟬隔樹嘶

上津舖

處處楓林叫畫眉薄寒正是中人時江山莽蒼同秦棧煙樹
蕭條入楚辭石瀨忽鳴波似雪秋雲漸合雨如絲須添款乃
孤舟裏蕩槳聲中唱竹枝

柳村鋪

清霜點點上征裘策馬真成汗漫游偶爲乞漿煩走卒何須
搥壁問前騶關門無警長眠犬農事初閑已放牛江上人家
楓樹裏銅鉦早挂屋東頭

煙草花

曾吟煙草余向在吳中與同人作淡巴菰詞見煙花澹白微紅數朶斜誰料
風霜蕉萃後絲絲還繞玉窗紗

仙娥碓

石洞中有像設

險絕仙娥碓陰崖一綫縈香煙時杳靄水石近琮瑋山月當
眉寫雲衣擘絮成清涼居士力安穩得行程編爲今廣西提督三德所修
自白水河至藍灘

涼風雖戒寒餘暄尙未變蒸爲十日霖濕雲蔽巖澗絲絲點

不開淋淋漏難斷津吏忽來言濁流漲清漢綠溪數尺高洄
流疾如箭我時仍發船灘灘闕清淀逆上次藍灘盤渦益颯
悍殷空雷霆驅觸石冰雪濺遠疑鷺鷗翔近偈蛟蜃戰長年
盡呼嘯小使劇顛眩出險乃斯須安危竟一綫我生鶩遠游
所適駭聞見清浪暨江門性命付夢幻獨憐挽船郎百丈累
魚貫衝雨午未餐力盡泥沒肝

兩河關

在陽

前山忽露夕陽紅一道谿流兩處通河畔扁舟真似畫筠篙
斜纜小玲瓏

聞陞任雲南之命

足迹何能遍

時欲往興安

頭銜幸已遷計時將十載新任莅三宣

城郭昆明地雲山洱海天詔奸猶未竟欲去轉流連

至韓城望龍門形勢

兩崖對起高崢嶸巨靈雙蹠空中行懸流千仞快一瀉雷輶
電激何能平當年文命奠水土役夫百萬開經紘風輪鼓盪
氣迸涌地勢長向東南傾伊列自通鄂勒索金沙別自趨窮
濊西域三十六國水悉由北戒時虛盈河從火敦淖爾下散
漫點點疑晨星雪山鹽澤衆流合沙漠九曲交縱橫蘭州寧
夏出復入賴此約束歸方程我來霜後水正殺白沙沿岸生
晶瑩想當伏秋新漲日兩涯莫辨奔訇轟并涇包衛走豫竟
得不潰決懷襄陵雲梯關口矧淤墊芟薪竹隄徒經營邇年
屢決復屢塞乃荷 聖德通神明徘徊眺賞日將暮半巖祠
宇留丹青馬遷遺迹誰所剗清娛旁侍還娉婷河東河西繡
壤錯隔岸蒲坂連洛城萬千苔碣豈勝數籀書繆篆垂碑銘

孤筇他日擬再經層樓飛棟開軒楹終風凍雨送飛瀑坐看
龍鯉遙蹇騰

過新豐

未央官闕久淪傾小市仍留舊日名傳說寢門猶擁雪何堪
戰地欲分羹粉榆雞犬衰年樂芒碭風雲故國情往事尙存
沽酒處一帘疎柳夕陽明

至青柯坪欲登蓮花峯風雪不果

宦游三載長安住玉女明星見朝暮無因結襪上蓮花一覽
欣同鴻鶴翥秋來奉 詔移昆明展 觀先令趨神京寒空
蕭颯過此麓快意積願今能成芒鞋早過希夷洞再歷雲臺
截高棟盤旋直上半山坪青柯巨壁當其空茲坪赤立拔地
開千仞三面高崔嵬解索劈斧畫難盡驚猿瘦獾何由階迨

迢一綫如懸縷上界蒼龍貫天井僕夫賈勇欲先登予亦褰
衣思躡景同雲漠漠金烏斜北風捲地揚塵沙衆峯突兀渾
不辨雪片如掌飛天花鴛馬頻嘶驚獸竄導人勸勿矜精悍
空作文公訣別情且從墨子迴車歎須臾徑寸已成冰鳥道
崎嶇豈得行勝游自有因緣在願力雖勤未可憑邈邈河山

同

一色此時風景誰人識安得吳興黃鶴樵直挂生綃彈粉
墨黃叔明有泰山飛雪圖事見畫史

過平定州有感

一線添初日雙浮望遠山少看風色定未覺道途艱煉石傳
仙竈問筵說故關侯芭今不見訪舊淚潛潛

門人王進上疏
世久矣

故關

馬陣寒偏緊，驟網晚更催。路盤三輔近，關接萬峯開。形勢當天險，蒼茫失霸才。生平來往熟，不覺戍笳哀。

聞竇東臯先生光緒復官

風采生平動，紫宸忍看掎克到。疲民情當孤憤身，何惜勢到艱危志竟伸。自是轉圜事，黼座獨憐掩淚徧。冠紳小懲大戒非，無補聞說南邦氣象新。

瀛臺觀冰嬉

雪霽雲消小隊開，依然昔日侍蓬萊。毬門弓矢三番接，畫舫旌旄五色裁。汲黯淮陽常有願，賈生宣室愧非才。明晨又逐南鴻去，鷓鷯何時幸再陪。

曹竹墟侍郎招飲話舊

三年別夢一樽同，話雨纏綿未易窮。衣染風塵常作客，鬢霜

霜雪久成翁深叻孔李交情厚

令兄中履侍御坦辛巳會試子所取士

更羨揚

劉物望崇分手明朝仍萬里京華回首盼飛鴻

茶庵三絕時瑞應重暉相送於此

下得肩輿夢乍醒又煩軟語共叮嚀豈知粥版茶魚地常作
勞勞送客亭

屈指殘年六十三秋霜兩鬢更鬢鬢盧溝冬月西風緊萬里
滇池送曉驂

晨星落落故人稀裙布釵荆兩地違誰識此時情緒惡風吹
微雪上征衣

眞定寓梁氏秋碧堂蕉林相國故第也感成四絕

北戒河山湧翠巒太行秋色照檐端昇平休沐多清暇暮靄
朝雲拄笏看

逢時密勿著綸扉汲古憐才近亦稀收得牙籤千萬卷法書
名畫映簾帷

晚年石墨喜鐫華真蹟鉤摹十數家幸有侍郎能好事倩人

磨洗出塵沙相國刻秋碧堂法帖未成而卒其石覆在廊西絕無知者金棺門侍郎督學京畿過此發而視

之乃屬太守洗

捐遂行于世
名臣世澤絕堪哀不見臯蘭叱馭回相國孫調人名用梅爲子門人嘗攜此帖相贈

後爲甘肅知縣今亦下世圖史凋殘彝鼎盡誰憐貞石委蒼苔今論此石已移往他處

順德

征車役役歎塵勞遙指巖城已近濠平野沙乾浮白蘚古城
霜重亂黃蒿飢鴉背日歸村急羸馬衝風望驛號欲覓新芻
謀一醉疎林已露酒旗高

秋帆中丞邀至開封置酒觀劇有作

清灞分襟乍判年官齋把琖更欣然人懷折柳時時別詩聽
甘棠處處傳季札又來觀樂地義山終憶大羅天終南仙館
猶如故風月何人棹酒船

襄城早發

統如戍鼓未停拋馭卒諠呼促上車芻豆槽空號瘦馬鐸鈴
聲急警棲鴉蹊迴未識津何在月暗難尋路幾又龜手已同
并緝統凍梨那更撲霜華

除夕宿建陽驛

龍坡湖畔卸行鞵雨雪蕭條倍黯然竹屋紙窗清不寐春燈
臘酒了無絲飄零八口音書隔蕉萃三冬道路懸獨對鄰牆

修竹外疎梅兩樹鬪嬾娟

時家春從
四川赴滇

望荷葉山懷明袁中郎兄弟

達材經世宙畸客營衡廬所適判大小樂志原無殊亭亭荷
葉山下映柳浪湖雲嵐共渺瀾竹樹交扶疎占此瀟湘景聯
築棧鄂居伯修官春坊畫省依香蟻中郎來錦帆仙令飛雙
鳧性情各蕭澹素尚歸菰蒲琴書親位置農圃商耘鋤往還
雜詩酒問答兼樵漁中年愴朝露名譽傳荆巫今我過楚北
冰霜上盤輿清游未獲踐懷古滋躊躇當時論詩旨刻意歸
白蘇苦吟轉蚓豎正類山澤濯風騷卽弗逮麤厲畧以除吸
光并飲淥靈秀良非誣

常德晤錢通政東注澧時督學湖南

三年不見歎晨風客路題襟感慨同白簡飛霜存諫院青衿
化雨徧巖官上方請劍驚頑儒出使埋輪效樸忠祇惜燈殘

言未盡詰朝分手又西東

沅陵道中望壺頭山

形勢壺頭峻人煙下雋餘喬松雲外雪春水礪中龕直道幾
朱勃讒言恨耿舒明珠非物產懷古更歎歎

晃州驛大雪曉行

北風厲發戰松篁曉起飛花滿石廊一夜盡封紅葉徑千層
齊現白毫光冰凝馬路蹄將脫冷逼狐裘指欲僵却聽驢嘶
煙樹外霧濃月暗怨歌長

初至雲南使署

又持使節到昆明十六年來氣象更鹽井銅坑供轉運金沙
鐵壁樂屯耕蠻方易簡非難理吏牘勾稽恐未精差喜春秋
風日暖好將衰病養和平

得四川家書二首

蜀棧秦關得得行，近聞小住錦官城。誰知吳下香閨伴，也歷西南萬里程。

千山屈曲七星長。

橋名

蠻草蠻花驛路荒，料得此時寒食雨。腰

刀帕首見官嬢。

蠻人稱土司妻爲官嬢，家眷由改入川，由川入黔，由黔入滇，多歷土司之境，官常帶刀

出寨迎接

汪殿撰潤民

如洋

視學臨滇賦詩見贈次韻奉酬

京雒題襟近歲殘，又聞使節度柔乾。雲霄譽望推三絕，華萼

聲名重二難。

謂念孫哲兄

金馬新霑文化遠，銅龍

先直上書房舊直

主恩寬誰堪頭白，淞南客賸欲投閒作橘官。

舊游詩什，如羊何初日芙蓉謝，琢磨敢謂定文侔。敬禮自看

新格重元和。

時以尊甫厚石吏部詩集索序

故園風味歸詞卷。

題余三柳漁莊詞最工

垂老心情示貝多

承以書金剛經冊見惠

從此官齋清暇日陽春長得

奉聲歌

朱秀才林一桂自構李來訪畱宿官齋有作

滇海鴛湖萬里程擔簦相訪見深情自憐衰病終無補敢謂

文章老更成菘米秋風懷故里杏花春雨念歸耕

虞文靖詞報道先生

歸也杏花春雨江南嗟君潦倒頻年甚頌酒譚詩氣未平

余所到輒以此名齋輯銅政全書有感

莊山鑄幣古來稱開竈滇南數倍增萬里程途喧輓運四時
鉅鑿衆凌競米薪貴賤原無定砂礪高低合有徵採掇羣言
資考證金曹他日免模稜

得楊進士西和書時主武昌書院講席

飄零書劍隔江濱寄我長箋別思殷幾歲關河勞遠夢何時

風雨共論文渚官遺事增新詠
楚國先賢續舊聞更憶青袍
如鶴立譚經考藝正紛紜

寄壽子才七十

塵海嬉游七十年任人喚作老神仙
西冷未肯隨和靖南微
偏能訪稚川時游羅浮膝下已生新玉樹
園中猶贖舊花鈿
牛腰詩卷知增富再付侯芭次第鐫

雲南布政使署雜詠

梅花書屋

蕭齋晚照餘稍喜塵蹤斷
看此如玉花般勤對几案

禪悅齋

生平嗜名理適獲清淨居
冥晦微香夕同誰說眞如

後樂軒

畫諾竟何功俸錢良自愧獨聞甘雨零差喜秋成遂

懋處堂

燕安寧自適老病又何思闕壁空堂臥常思阮德規

詠絮齋

炎荒冰雪稀祇有疎華映還惜謝庭空無人寄清詠

時女梓卿先逝

杏花春雨書齋

寒雨杏花謝江南春色殘憑將羅帕淚一曲問吳蘭

見蛻庵樂府

紫霞書屋

偶招青雲侶共契紫霞想絲竹間燈毳忽憶釣天鬣

書屋中聯云竹

鳩扶蹊喜花月淇南選勝同娛暇日銀燈玉笋記煙波趙北

麋歌曾侍鈞天蓋庚子上元扈蹕至趙北口特命觀

燈聯句見製詩四集中

優鉢曇華亭

靜境阿蘭若名花優鉢曇往時畱雪爪寫向小屏南

余往爲廣庭先

生賦此花書於亭上

浮翠亭

五華暨太華面面煙嵐綠不上最高亭何由窮遠目

風漪檻

曲檻危亭對虛窗小渚幽游魚明鏡裏低映蓼花秋

竹月廊

逕迴草樹繁候晚煙霜靜坐待月華升露溼荷裳冷

清侯井

古井寒猶漲孤亭久盡傾疎梅叢竹裏心迹緬雙清

聞來殷學士

及于廣東學使任

忽傳凶耗是耶非知已傷心淚滿衣文采共推徐孝穆風流

誰似謝元暉少攜詩酒同青翰長侍星辰入紫微今日羅浮

仙去路何人收入盡珠璣

時屬補山制軍輯其遺稿

廣通道中

淺滴槐陰露微寒柳葉風魚鱗收宿靄鶉尾展遙空月映層
巒碧燈深小市紅天然圖畫裏詩筆信難工

行抵楚雄得旨以年老多病雲南距本籍較遠移

任江西恭紀

碧雞坊下雨濛濛忽奉恩綸下紫宮六十年餘仍瘴

癘七千里外情疲瘵花明溢浦人重到江接句吳路易通更

喜前籌今已竟昨聞貢使過岡東

時緬甸已來入貢

往在長武遇李制軍嶽麓侍堯忽誦子龍尾關詩怪

而問之云茲詩石嵌在大理官舍壁上聞係學使孫

令儀嘉樂所刻今過此關視之果然蓋令儀爲子會
試所取士常求子在滇篇什子錄而貽之不知其出
使時攜以南來刻于此也爲之憮然著手摩挲因題

一絕

當年五字記從戎忽見貞珉刻畫工聞說行人常洛誦也應
勝似碧紗籠

過大理驗緬人貢物提督烏君

大經 畱飲園亭

有作

南金象齒見蠻官軍府招畱竟日歡十載聲靈真赫濯三宣
耕鑿永平安人如萍梗誰能定迹託苔岑別亦難痛飲還須
澆犬斗醉聽座下響飛湍亭在澗中石如錐齒削平以大理
石鋪其上其下泉瀉鏗鳴兩後尤
厲

暮雨筆點蒼山

關風伏雨天濛濛我行回至鄧賧東龍尾關前午駐馬高閣
直上開窻櫳翠巒廿九紛窈窕溪流十人交冲澗朝煙暮靄
各縈帶陽巖陰谷殊龍葱候人謂此亘百里蒙氏中嶽加崇
封升香薦幣勤祀典甘和應候徵年豐珠林蘭若互相望靈
區畫靜聞巖鐘是時長羸正屆節蜀鵑百本殷繁紅寶珠如
杵照欄檻紫藤屈曲纏蛟龍山坳文石畫水墨霏藍潑墨兼
蒙茸或如梅花半映月或若芝草齊翻風叢林官署盡壘砌
竟以人力誇天工去來屐齒限險遠安得名勝探無窮惟聞
岑樓昔寫韻新都蹟在蒼琅峯窮荒窺滴尚嗜古前賢芳躅
疇能同泥塗澆澗苦厲揭一杯懷古心忡忡淋淋簷溜暮更
急千巖瀑布飛長空下注澗戶入西洱波羅江外鳴琤琮

纂成銅政全書有作

剔穴開巖藏去聲漸虛銅官積弊况難除莫嫌多出鈔平聲手也是西南未有書

別昆明作

絕徼民風古樸多莫須束濕莫催科臨行要語諸君記安養生全保太和

連宵絲竹惜分襟蘭若薰風酒又斟遙指清華池畔水算來難比別情深晴諸君復餞望海寺

持節牂柯只歲餘愧無德意到窮間鷓鴣哨外濛濛雨又捧名香送使車

版橋

版橋著名有三一在金陵說元暉有詩出新林向版橋者是也一在商州溫飛卿有人迹板橋霜之句一在昆明楊用修有詩

看馬車身卷一
版橋三處並經行斜照東風送客程今日新林還跋馬數株
楊柳倍關情

關索嶺

大關索嶺高插天小關索嶺噴飛泉右手石壁削百尺炎風
凍雨來山巔亭侯當日不到此索也何自從夔韃或言諸葛
度瀘日驍勇常作諸軍先緣巖鑿徑出林杪一綫下繞蛟龍
懸圖經雖缺史已佚險厄猶在人爭傳我行况值新雨後蠻
丁百指聲謹闐蟻穿九曲雖得下詎免繭足還頽肩茶檣小
憩更回望半空雲霧猶盤旋

行次貴陽汪又新方伯新邀寮佐迎餞時提督許君

世亨由臺灣奏凱還黔同席

冰崖雪洞啟長筵舊好新知共盎然上將威名收海嶠詞臣

文采耀星躔

時學政吳蓉塘壽昌在座

比年握手逢迎數
淡日談心意氣

聯酒半忽聞馳驛騎

溫綸同喜又朝天

九日謝摺回

批令恩

觀

入

再過飛雲洞

飛雲巖石幾時飛
朶朶終年伴翠微
出岫自慚渾不定
何年

眞望故山歸

鎮安蔡太守

宗建

招飲

疎簾曲几暑風清
雪椀冰壺喜共傾
到處知交情意密
長年

作客往來輕蠻歌

啍啍陪歡笑
谿石隣詢感贈行

太守以舟輕取武溪

二石以壓之

他日登臨如見憶
中和巖畔省題名

七夕寄宥紅

前得家信知六月十二日抵鎮遠計今可到南昌

小別黃梅雨涼颺
又悄然一鉤銀漢月
雙槩楚江船
風露何

會慣煙波祇自憐花洲風景地計日可沿緣

辰州途次

濃陰深處語鉤輒小西山前早放舟雨澹遙峯青似黛溪迴
新漲碧於油日烘蘅杜香樵徑雲入簷管掩寺樓多少玲瓏
三品石不容米老更旁搜

至常德聞荊州江堤潰決改道長沙有作

扁舟下衡陽慘澹風色變濃雲互開闔暑日屢隱現頗疑炎
暘時水氣奪晴曠忽傳荆門堤驟漲極凶悍激湍城郭頽惡
浪魚龍亂洪濤敗衙署餘浸絕炊爨異事古所稀災祲駭聞
見得毋吏治非降沴示禍患飛章上九重瘡痍廬宵旰
俞君提督金鰲謂我言驛路經旬斷迂塗由長沙行程庶可算登
樓試憑欄千里驚汗漫滄江南入湖色眩青黃半本嗟行路

難更切憂時歎豈能娛絲竹時俞君招飲觀劇方戒涉險難呼僮理
賦梅聊用具彘飯

登龍陽館舍後園

小有林亭勝清晨結襪游雲山工遠勢花竹作新秋風露殘
荷在村莊早稻收徘徊故人筆遺恨滿山邱扁爲梁少司空冲泉書

卽事

輕巒淺嶂日初銜遠見秋空數點帆正是湖田涼氣早柳陰
珠露滴羅衫

水近滄浪路不分蠡湖西下水云云當年供奉曾游此欲問
風流向楚雲

未得銀鱸上釣鉤柳塘空自泊魚舟青菱雪藕齊登市更向
煙村問橘洲

嶽麓書院贈羅少卿徽五三十韻

清江迢迢似帶橫亂帆片片如雪輕荒灣短渚一樣權却望
樹杪飛高甍津人指點書院古欲訪徽國瞻前型芒鞋著落
恐滑蹙短杖墻石愁伶仃鴻臚少卿我舊好麗眉宣髮雙瞳
青千里相思正耿仄卅年憶別懷芳馨相攜連襪入講室皋
比斯鼓懸前廳湖湘上游古所重文公昔日來綬寧惠威孚
洽果不爽洞獠聽款無畱停長沙士子夙好學至是全集歸
馨劂南軒舊蹟稍雍廢更擇爽塏開堂扁峩冠衷帶備禮法
講道論德除昏冥別置額員厚廩給方冀文學隆湘鄙煥章
忽召僅半載操縵未滿生徒聽知公英爽常顧此所願後世
承儀刑未子除潭州安撫諱誦云仁心仁聞成惠孚治年譜
云長少士子夙知向學及是學士雲集又云洞獠侵
擾諭降之改遣嶽麓書院本樞密劉公因南軒之舊而更
新之別置額員其廩給與部庠等八月除煥章閣待制今

君解黻踰二紀老成何異垂晨星鄉大夫職本應爾撞鐘攻
木聲春霆況聞丹鉛不駟手考義往往窮羣經前賢遺教定
可繼道味洵足祛羶腥自來經師率老壽願養會見登遐齡
我昔奉使按江右側聞鹿洞依岑岑豈知守牧奉故事規條
具揭誰能聆生徒列舍頗闢茸書冊茂閣徒飄零力思整頓
尙未得輒以憂去心忤忤喜君蛾子善時術豈無傑士揚

王廷儀填中廚出雞黍小飲亦復陳湘醪日斜酒罷未忍去

再看箇箇千娉婷

時君仿濂溪意闢地種蓮數百本花開甚盛

臧觀察

榮青

衍齋夜集

湖水湖雲繫短楫重來把臂笑言諱白鳥赤雀俱稱瑞碧芷
紅蘭尙作花曲罷不知人欲別酒闌猶認客爲家

觀察子爲子弟南明

之分襟又向楓林去回首層樓隱暮笳

蒲圻舟中山水清遠偶成四絕

扁舟東下水雲閒
斷澗橫溪暮靄間
身在藕花萍葉裏
船頭又見小梅山

鶯鶯鷓鴣各成行
更有涼蟬噪夕陽
一頃紅蓮稻名將次秀
微風吹送稻花香

秋日城湖分外清
斷雲殘雨總關情
柔波如鏡明如鏡
合與詩人晚濯纓

楚天風物易銷魂
湖外人煙浦外村
依約青帘疎樹裏
與誰沽酒仿窪樽

東湖夜泊

一碧渺無際
秋潮近夜來
蒼然雲夢月
正對翠屏開
煙樹連吳會
風騷憶楚才
仙人乘鶴處
回首望樓臺

懷程荆南卽題其松寥山館詩後

淡雲遠漠漠疎雨方蕭蕭扁舟過激浦清泉路非遙佳人歎
早逝玉佩難相要行勝詩數卷愛惜伴瓊瑤蓬窗偶微詠依
然見風標性情寄孤耿素尚離塵囂幽芬溢研席雅韻分蘭
茗獨念仕楚南煙水清而超定於種花暇哀怨親風騷所恐
冰雪文日久雲煙消棣華定無恙謂令兄沉應與同傳鈔續茲山
水集永存松寥

至武昌寓江漢書院見楊西和史誦芬吳學使泉之
亦至

雪浪橫江斷客舟喜同勝侶晚登樓最憐鴻鴈哀中澤尚有
魚龍混上游昏墊難辭官守責宣防深荷
聖明憂金錢
百萬來 天府已遣元臣重借籌

已近中秋暑未清八窗盡拓待涼生經帷尙有絃詩侶

時西

院長方

注杜詩旅館誰殷授粲情芬

謂講

世事蒼茫魂欲斷故人憤激

意難平漢陽滅沒雲濤裏難雇驟綱問去程

恨這箇關

古道塵沙靜方城戍堠長岡巒分北界形勢接南陽晉楚千秋事吳曹百戰場欲求攻守蹟故壘久蒼茫

過信陽州懷明何大復先生

淮水秋透迤楚山曉婉變地在中原中秀靈篤名彥先生幼神奇聲華動文苑時值詩教衰軀材竊詞翰振袂挈空同高標溯兩漢昌穀差隨肩華泉寧足算聿承騷雅宗遺集信可案後來肆譏彈蝸蟻互鳴喚況傳節義高更益詞章煥直諫辨僉王上書斥奄宦奮身抹友朋貶謫豈所患用此表藝林

庶皆立貞幹今茲過其鄉懷古輒三歎安得許子將

許劭亦南陽人

名言定月旦

夜行

正喜行程勝寧謀卽次安况逢殘月影已挂碧雲端燈火村
春急風霜戍鼓寒遠山蒼翠外斗柄已闌干

良鄉道中

遠火催征騎清霜點敝裘西風三角澗殘月半輪秋祗益衰
年病類添旅客愁惟聞僦從喜明日度盧溝

兩間房作

朝來懷抱不勝情却指東華僅兩程終是旅人憔悴甚曉風
殘月便淒清

關河秋早起微寒楊柳陰中白露團疲馬不須加短策西風

落葉打征鞍

粉粥香資棗栗俱村僮闌路遠相呼誰知往日鷓鴣客又入

幽風小樣圖

長武舊鷓鴣
觚屬幽州

層穹絕壁帶沙汀每遇潺湲駐馬聽自是生平山水僻寒垣
蒼翠愛重經

熱河 召對恭紀

山莊秋霽奉傳宣 溫旨頻承倍往年豈有詞章叨 拔擢

詢及當時
考 召試

殿試

朝

愧非德器荷

陶甄涓埃莫報才先

盡瘴癘雖除病未痊最喜暫時陪侍從 翠華影裏屬橐鞬

時 命
隨侍進京

遙亭

山勢遙連塞人煙本近畿雞鳴桑下屋牛臥棗間扉雨後場

初築風高葉亂飛石渠清見底正擬浣征衣

紀曉嵐少宗伯招諸同年夜集

萬里歸來謁紫宮霓裳仙侶此宵同分離既久情難盡
觸多端語不窮琴鶴無能宣化雨尊鱸有夢待秋風西江幸
與東華近時盼音書寄楚鴻

白溝河是日霜降

西風欲起澹斜曛白草黃沙望不分聞說昨宵霜信到已看
寒意滿山雲

東光驛

雞唱開朝旭鴉啼警夜霜菰蒲雙淀迴棹柳十圍長屋繫黃
團重鑪煨紫芋香晨餐猶未得且與乞壺漿

新橋驛

渺渺秋霞盡脩脩夜色澄已聞村戍柝少見驛樓燈酒敵風
霜苦香從翰墨凝

壁有徐壇長
行書甚工

塵勞何自解睡思已蒼騰

柳泉

亂鴉哀鴈峭寒天燭影幢幢宿柳泉屈指一年行萬里明晨
又上楚江船

濠梁驛

曉發濠梁驛煙波望不窮蘆船帆上下茅屋路西東村店三
叉隔人家二甬空笳箎隨處有魚樂亦難終

紅心驛

衰草寒蕪驛路荒茸裘已敝不勝涼丹楓烏柏紅心驛始覺
淮南早降霜

自清流關至醉翁亭二首

青蘆黃葉遍巖阿如此稱關豈足多莫怪歐公誇武畧劍門
雲棧未經過

空亭寥落接雲煙琴石梅花迹宛然可惜蒼龍能嘯月

子家有蒼

龍嘯月琴乃北宋
雍熙二年所造

未經攜取寫流泉

至江寧同年劉方伯松嶼

增袁觀察春圃

鑑招飲瞻

園

舊雨晨風判歲年題襟把袂各欣然園池最好中山第樽酒
偏宜小雪天黃菊未殘猶旖旎青燈半炮尙畱連匡廬雲樹
秦淮月政續他時得並傳

太湖道中

拂面難禁料峭風秋陰漠漠水濛濛轉灣添得淒涼景柳葉
微黃蓼穗紅

楓香驛

風雨曉淒淒，鶯鶯咽又啼。
拆殘深巷北，燭燼小窗西。
春酒寒，直下鄉書淡墨題。
楓香亭外路，半澁玉驄蹄。

過停前驛望蓮峯有作

五祖山上有池生白蓮又名蓮峯

少誦杜陵詩，白業師祭可余亦慕黃梅飯。
依願已果，今經破額山招提。
近道左，昨宵微雪零巖境。
浮雲鎖林樾，翻宿禽霜重。
落松果，惟聽精舍鐘遙趁郵亭火。

潯陽驛

水接長堤路，風寒小雪天。
九江真縹緲，十載更洄沿。
碓響前溪屋，柳鳴隔浦船。
昔游殊草草，重到意條然。

德安

敷淺原邊路，煙巒入畫圖。
關津西接楚，舟楫北通吳。
雨霽雲

猶濕泉甘草未枯義豐山翠裏已見驛樓孤

賜恤

賜恤非無策流亡未有家尚虛營版築

時沿江被水傾倒者尚須修葺何以

度年華殘雪餘青嶂荒田壓白沙黔敖雖有藉蒙袂更堪嗟

鄱陽

漲後村墟少寒深雨雪多飄零餘鴈戶慘澹對鷗波中地猶
求緩全荒忍再科來牟還未植春熟更如何

入廬山自黃巖至開先寺望峯下瀑布僧云嚴冬凍
合不得見也留題而返

香爐峯在開先上遠亘白虹三百丈嚴冬凍合挂長空不值
冰車般去聲地響匡廬瀑布天下奇輒雷濺雪空中馳眉山蠶
尾均傑作欲與供奉爭參差而今勝事何由見姑酌寒泉資

茗戰相約明年暑雨行來看蛟龍鬪深澗

棲賢寺夜宿

霜濃月亦苦朔吹宵尤寒沿緣入梵剎始得開心顏香廚出
盥漱蔬筍供盤餐飯餘攬夜景列岫遙迴環嶄然五老峯離
立青雲端松杉數百本影作蛟螭盤山僧示舍利寶色猶斑
爛眞廣豈足論供養期無殘相對道心寂投榻從茲安杳杳
地籟淨隱隱鐘魚闌微聞階下泉敗葉相淙潺

晚至歸宗寺飯有作

山色暮蒼然微陽在層嶂瀏瀏緒風寒漠漠凍雲漲聞鐘趨
招提稍見禪燈颺茲傳右軍居方池尙流漾長廊遵透迤妙
墨樵跌宕還禮佛前香頗悅伊蒲餉山僧雨出迎清譚獲諧
暢空林法鼓鳴遠火前騶唱勝踐虛宿因宵征愧塵障回瞻

金輪峯清景渺千狀

臘月二十一日招翁學使振三及曹仲梅

秉鈞

家若

農金寶函鴻書施錫蕃音江子屏灌汪上章庚吳照

南照何夢華元鈔諸君小集

官齋鎖印趁閒身蕙草香中笑語親澹月微雲風景別春燈

臘酒歲華新總持儒雅歸名彥請學使嘯傲溪山屬散人請仲梅

君勝事良辰難並得擁盞勸飲莫辭頻

卽事

么鳳鶯聲夢已殘又看翠竹影團欒起來小啜釵頭茗偏喜

西窗送嫩寒

歲暮消閒意味長更無鈴索響迴廊山僮莫訝銀蟾冷正寒

梅香與蕙香

春融堂集卷二十

青浦 王 昶 德甫

杏花春雨書齋集

六庚戌

巳酉

初八日復邀振三及仲梅諸君官齋小集

頌椒剪韭近初春

初九日立春

又向蕭齋集上賓小院鑪溫梅蕊

足長天雪霽月輪新江湖秀合文章聚吳楚朋來意氣真轉益多師裁僞體西江詩派好重論

題余伯扶黃鶴樓卷卽送入都

仙人一笛橫高秋我曾躡屐登其陬闌干十丈插斗牛倪仰江漢疑浮漚黃塵剔翹歲月適大颿北渡乘奔流回望詎免勞心如遜君浩蕩真鳧鷗選勝矧復偕鴻儔西和稽古譚姬周誦芬下筆驅曹劉君亦騰蹕超驂駟振衣脫帽風颯颯荆

門鄂渚一覽收慷慨懷古長吟謳畫史再倩張僧繇尺幅宛
帶煙雲浮揭來日躔鄰降婁訪我官舍存蒹葭輕裝將敝蘇
季裘傳教誰問張憑舟舉圖出示辭咿嚶欲得詩句珍瓊瑀
嗟我垂老行歸休詎能筆力回戈矛昨者萬里來西洲登臨
差足誇前修滕王江閣黃鶴樓岳陽萬頃堆蛟虬江山如此
冠九州惜不連襪窮雙眸鯢鵬並作逍遙游君今僕馬指薊
邱射策定擬居上頭八九胷吞何所憂三千鳴止期相酬

題宋綿津先生留開先寺小照次原韻

披衿脫帽自孤清玉貌傳來歲月更知是安心歸法喜不須
漁弟與樵兄

滿邇松杉圍夜月半溪冰雪咽寒泉樓賢我亦曾投宿學道
輸公一著先

憶舊寄禹卿

小長于與小秦淮每憶生平步履借絲竹尙耽三闋曲香燈
久奉八關齋最憐幾載音書隔終惜雙飛羽翼乖臨汝新來
無恙否冬東有郎小字玉樹已長埋懷子才並
悼東有

韓明府

楊

歸太湖屬訪明蕭伯玉春浮園故址

扶輿祕清淑聚爲人中仙性情託山水吐納含雲煙臚仕非
所願林麓爲因緣我慕蕭太常夙慧研丹鉛結佩歷清要晚
隱柳溪邊松篁旣茂密島嶼相洄沿如螺小翠黛倒影當清
漣俗無門外客配有閨中賢緜經香漠漠放梵禽翩翩滄桑
蹈行遡旋以歸人天昔讀春浮記望遠時悠然茲來游未遂
忽忽心旌懸君今令其邑仿古信所便名園想無恙花月猶
芳妍作書來示我舒我情悁悁且爲勸後嗣文史勤承先

南昌北蘭寺中有綿津書屋蓋牧仲先生撫江西時
嘗率賓僚觴詠於此故名今扁額雖在遺迹渺然適
余過廬山獲見先生小像令工摹繪供於斯屋并借
汪書年蔣藕船知讓家若農奠蘋藻焉

最憶西陂老長依竺法蘭清游仍往迹野寺俯迴湍蘋藻真
宜薦香鐙取次安高風千載慕非獨愛煙巒

玉貌存初地摹來著此亭定教虛室白坐對遠峯青月映尊
前燭雲移竹外星攜笏歸路近法鼓隔林聽

將去南昌重游煙江疊嶂亭題壁

屢思京職敢求安總爲衰慵報稱難何幸又隨鷓鴣侶長聽

玉漏侍

金鑾

時以刑部侍
郎召用

虛亭深屋繞迴廊雙鬢重來盡著霜如此江山仍話別何時

掃地更焚香

烏衣畱客正呢喃南浦離魂更不堪可笑東君歸緩緩好風

先與送征驂

時立夏係四月十一日而予於初四日起行

開過梅花又杏花緗桃穠李更繁華荼蘼風裏重回首更惜將離數朶斜

自德安循廬山至九江作

曉霽遵江行江平風亦善沿緣敷淺原柔波淨如練雲中五老峯依依更相見相見未忍別祇覺離愁縮并懷鹿洞前青衿習文翰靈區雖可思赴 召豈容戀維念三峽橋銀河挂天半懸厓雷霆驅赴壑蛟螭變良游昨已約勝地何由玩渺渺柴桑村煙嵐倍蔥蒨所以十八賢辭榮愛蜚遞今茲過未能拄笏屢悽歎興盡日欲斜潮回響葭亂靜聽鼓迴帆言就

魚蝦飯

重過潛山

四面煙波一葦杭，江城風景未全荒。
繞籬藤葉垂垂紫，隔壟蠶心冉冉黃。
球璫鳴場將刈麥，桔槔戽水待栽秧。
白沙翠竹鄉村小，又有幽人葢草堂。

靈壁道中

廉纖雨過水雲昏，黃土青蕪半掩門。
誰識田家生計苦，捕魚放鴨養雞豚。

荒灣斷港水如煙，初過黃梅五月天。
十頃荷花猶未放，柳陰已繫采蓮船。

楚雲淮雨澹將收，換罷輕衫更倚樓。
騶子催行還不忍，故人

詩句在牆頭。

壁間有朱石君吳沖之諸人詩句

滕縣所見

遠山如笑復如顰不見花開白似銀

用李長蘅句

却羨鄉村風物

美蒸梨炊黍餉西鄰

兖州高太守佩絨

官墨

留飲署中話別

香凝畫寢正清和拂拭緇塵跋馬過
兩地相思言豈盡一樽
共對飲亡何馳驅已老功名薄鬢髮全彫感慨多
日辰忽忽還就別知君伏汎尙防河

景州

濃陰如幄護窗紗猶有茶蘼半架花
卻憶去冬風夜起茅簷雪片大於鴉

至京借寓勾欄衢街是桂林相國舊第

經歲馳驅未有家歸來賃宅近東華
得容車笠情先慰畧皮

琴書意已奢，尺地舊傳盤。樾馬數椽今，喜傍官鴉前。賢儉素風堪，仰便是平津。不待誇。

扈從 避暑山莊

肄武新猷壯，來王舊制存。路先梅雨潤，晴覺麥風溫。水滿金鈎淀，陰濃石匣屯。據鞍兼橐筆，佳話喜同論。

兩間房卽事

時江蘇巡撫奏報得雨

目別江鄉又七年，每懷靈雨兆豐年。今朝望見天顏喜，已報和甘遍大田。

畿東累月總晴曠，請雨經聲比屋聞。

先時請雨經僧多誦之

頌大雲輪近

午甘霖應有兆，東風吹黑嶺頭雲。

小寓

莫訝三椽陋，能容一榻安。虛櫺宜晚讀，曲突備晨餐。豆莢花

猶發槐陰葉未殘
還邀珂馬客於此
小盤桓

恭和

御製啟蹕幸避暑山莊卽事元韻

兩陽應候信無差
澄霽郊原奉

帝車閤入仙賞當晝永

身依

清蹕是

恩加

自乾隆丙申隨侍水滸已閱十三載矣茲由江右還京奏請扈從卽蒙

允

俞塞山遠列煙巒
蔚屋歡騰景物嘉
聞說釐楚眞倍獲

豚蹄操祝願寧奢

恭和

御製出古北口元韻

驛路四程通古塞
邊垣幾折傍巖關
奇看雲起千峯外
爽在風生萬馬間
此日趨塗誇談蕩
前朝重閉尙辛艱
詰戎柔遠紆宸念
莫謂憑高野興閒

恭和

御製至避暑山莊卽事元韻

年年望

幸動輿情玉塞神
臯喜氣生已仰

樂山兼樂水

矧逢宜雨更宜晴 宮牆數仞金絲備書閣千函典冊盈總

是鴻猷超邃古親瞻 鉅典快交并熱河建文廟及天津開藏四庫全書

皆前所未有

恭和 御製西峪元韻

潤卉巖葩護石鱗綠陰長夏尙如春翔空幽鳥皆知樂閱古
喬柯不記旬風動南薰先解愠雨餘西峪早清塵 對時端
爲覘元化詎是宸游賞玩頻

恭和 御製題秀起堂元韻

中峯選地構山堂與曠兼之迴勝常花鳥有情周四季煙霞
無盡亘三商 飭農念穉欣新霽 稽古陳書適午涼宜畫
宜吟最佳處更欣 籌筆定遐方聯西巖巴勒布平定

恭和 御製謁京王大臣奏報得雨詩以誌慰元

韻

麻和久已洽

夫人又獲甘霖恰淡旬三輔桑麻均被澤

千村蕞笠競徂畛從知葑屋占秋稔真慰深宮望歲頻自

此五風兼十雨應期送喜始庚寅

閏五月

初五日庚寅 聖駕啟鑾

恭和

御製山莊卽事元韻

夕霽與朝涼

山莊景勝常稻梁欣並茂魚鳥樂相忘日永

林陰轉和風刻漏長幸依

游豫地素食轉迴遑

恭和

御製游獅子園元韻

禁籞初晴曉露乾又逢

翠輦度層巒經營豈藉高人繪

獅子林爲元

震迅疑從佛地觀花近秋辰增舊麗鳥依

靈

圓樂飛翰新涼未奏清商曲已被松風一再彈

恭和

御製題宜照齋元韻

鬱葱佳氣此盤旋雲影風光滿目前景以時宜供 鑒賞機
因 坐照更安便寶珠在握均能現智鏡當空不待研仰識
徇齊符邃古 至誠先覺總超然

恭和

御製將軍鄂輝等奏巴勒布歸順實信班

師回藏事宜詩以誌事元韻

萬里明駝奏撤兵

皇威寧復阻遙程適如其願真知感

不戰而降始見誠雪嶺烽煙通遠貢巴塘輸輓息邊氓西南
送喜同時到應識番蠻念慮忤時安南國王阮光平亦遣使入貢

恭和

御製題澄觀齋元韻

水石林巒盡可稱

高齋游覽歲頻仍地經

典學茨

階古

聖祖臨御山莊常召儒臣于齋內校閱

御纂諸書義取陳謨寶額承

內奉

書惠迪吉扁額

惟仰

大觀徵感化豈將真覺契宗乘天倪

道妙忘言處境與秋光一樣澄

恭和

御製觀瀑元韻

無聲忽有聲眼識何由到用以證耳根鏗
旬任飛瀑返流能所忘豈復見巖嶠從聞思
修通獲觀自在妙仰知 至聖
心一體普圓照

恭和

御製清閨閣賞荷元韻

碧沼波澄秋已到紅衣香盡暑將除
宛疑高士山間屋恰對先賢水際葉舊植
上林增沃若新沾 睿賞覺華予吟
風弄月無窮意妙契 宸襟更自如

恭和

御製立秋日疊乙巳詩韻元韻

炎官猶見馭羲輪梧葉飄來積算眞
玉魄尙圓纔月望十六日望十七日
金鞦漸爽正 時巡風迴 仙館添涼意雲斂遙

山淨色身

蘇軾詩山色
寧非清淨身

甘雨旣晴晴更好豐登取次報章頻

恭和

御製七月朔日元韻

入秋半月消殘暑合朔初辰放快晴夏末正欣山雨足禺中
旋露日光晶珠杓星轉移鶉尾玉塞風高佇鹿鳴仰識西成
欽若意總期多稔樂羣生

夜雨

四山雲漠漠一夜雨浪浪想見秋田足平添客舍涼青蕪連
鹿柴碧藻上魚梁祇益天顏喜京華有報章

樂陽秋日丁祭奉

命祭 啟聖祠

閭殿森嚴曙色融恭承

主祭禮儀崇勇因懸布推鄆邑

典重升香按頰官桓戴遠傳先代澤顏曾同起舊家風塞垣

組豆千秋少襄事殊欣步履同

時韓城相
國祭前殿

恭和

御製安南戰圖六律

籌邊本爲軫孤斃

川黎維祺失國來歸故遣王師援之

繼絕何能息義征尙

念昔年勤職貢非因遠畧事佳兵鳴笳疊鼓行營壯椎髻穿

胷夾道迎盪決不須勞禁旅粵南軍已播英聲

嘉觀詞詠戰圖

龍驤千隊出關門將校飛騰矢報

恩破膽先驚騰羽檄竄

身何敢返蠻村俘擒忍盡羣鯢戮反覆難容狡免奔

安南協鎮陳名

炳見檄樓懼亦卽歸順總督令其回糾義勇仍爲阮氏任用領兵爲我副將慶成伏兵所擒解營正法誰是行

間宜力最弓刀褒鄂有賢孫

慶君請逆將軍孫思克會孫三異柱在戰圖

奚愁鋸齒與吹脣直鼓前茅指渡津五夜煙雲移赤幟三江

風浪靜朱垠

市球壽昌富良爲安南三江

因糧儘足資軍竈編竹猶能抵

戰輪徼外丸泥寧可恃疑

禧賈勇合天人

壽昌江戰圖

阻險方矜弗克攻出奇上副

睿謀同偶紆間道疇能測

直越浮橋勢倍雄，編筏蒼茫乘夜渡。裹糧踴躍赴戎功，蜂屯

蟻聚成何事？芟刈分明等蒞崇。

市球江戰圖

甲首頻俘大小良，臨江士氣競蒸皇。入城撫衆功真戴，下

詔班師計更臧。蝸觸互爭難自立，牲牢新祀表遺芳。

提督許世亨等

以賈勇戰歿

威棱遠屆羣蠻震，屢啟重關乞降祥。

富良江戰圖

偃伯靈臺慶洗兵，金泥玉冊

許歸誠享衢遠徼容趨。

覲

壽宇清秋仰集禎，北塞共球方並獻。南交文軌更同行，貌

貅炳照丹青裏，重荷

奎章奕世榮。

阮光顯入觀錫宴圖

八月十六日夜

月比前宵正人歡，此日停邀朋馳裹。裊留客倩瓏玲樂供禎

虬卵

用昌黎句

筭彈白雀翎，銜杯思往歲烽火尙零星。

題洪舍人桐生

楷

所藏其兄伯初太守詩冊四十四

韻

三洪並雋逸珠樹森天都長者與我舊縞紵廿載餘淵源在

大戴

君莊事戴
編修東原

墳典供菑畚獻賦上行在

特命金

鑾趨我時尙內直

祕殿聯襟裾青綾對短榻彩筆依方疏

謂我孤竹馬老矣能知途執經每鞠躬授簡同鴨子中間忽
雨散落月空梁隅君持英蕩節校士臨荆巫我亦赴巴蜀尺
素憑雙魚每來數百字細密同真珠上言雲夢澤厥浸通江
湖由來屈宋地宜產風騷徒下言諸生某志在窺典謨三禮
暨三傳背誦疑神輸儻其所業就堪與追黃虞發函讀且歎
教澤真覃敷庶幾兔園胥作麟經圖俗師刮櫛昧古義撥
根株我旋憂歸里起縮秦關符承明不相見君已專城居生
平本耿介勵志宗顧尉卑疵良不屑峻潔疇能滄不軌有必

斥非種行將鋤我適過清苑衆口滋紛掣刺天作萋菲大府
爲躊躇我謂君誼士誦法循詩書寧甘戇叟戇非比愚公愚
作書并寄君掾弊宜舒徐從容去操切次第謀補苴排解幸
有濟湮鬱終難攄遂疑弓影挂終致靈車徂維時在六詔聞
信深歎歔哀雖悲宿草奠乏陳生芻茲來晤駒父涕淚填隴
啣示我昔題句五字清而腴想當茶亭路弔古停肩輿投閒
羨逸翮走世勞頑軀再三緡蝨罔儼見吟情孤君今去五載
宰木森荒嶠海山暨兜率游戲理豈無獨有後死者感激心
煩紆援毫作調語聊用陳區區

奉 命讞事新安

在保定府

地接邦畿近人緣讞事來水仍分四股迹已味三臺巖哈生
泥苦荆榛老屋頽更求雲宿舍約畧指蒿萊

國初孫鍾元先生曾居此

渺渺通長淀，法法會直沽。塗泥難作，又黍稷久疎。蕪欲計安
全策，須知久大模。鞭笞清訟牒，還擬究良圖。按虞夏時，引黃
而東，至于涿水，分九河以殺其勢，復爲逆河以歸于海，其餘
衍沃皆可資種食。河西而南，魏晉六朝以至遼金，皆精水利，
足供民食。雖南北分疆，未見有運南方之粟米供給北方者。
自明初開會通，河運濟以實京師，而北方水利久廢。昔日九
河今變爲三十六淀，七十二沽，千里內外，沮洳淤澱，海門又
復狹隘，不能迅速歸壚。是以往昔膏腴悉歸蕪沒，窮民求正
德，究治亦終非上策也。

錢少宗伯坤一以孤雲處士元王振鷲梅花見贈

江空雪淨一枝斜，不傍漁家並酒家。正是孤雲孤絕處，花光
禪派有誰誇。

界畫當時重上蘭，高情著意愛清寒。寄來正值梅如雪，酒熟
香溫對榻看。

東安門外口占次翁閣學振三韻

曉侍 鑾輿魏闕東女牆遙望日輪紅
畦將生綠春光早戶
有瞻黃 慶典同婦稚駢闐 清蹕外旌旗繚繞遠林中歸
時風景知尤勝 鳳船輕颺六尺篷

白澗道中遇風次玉閣學閨風保韻

噫氣朝來發調刁雜樹聲塵清馳道蕭曙啟曉雲橫騎從旁
依澗人煙漸近城 和鑾此際聽遙和野禽鳴

登獨樂寺閣次振三韻

傑閣岩巖次第攀擬從星斗叩天關仙靈翰墨依稀在觀音

四字傳是太白降乩書余二十年 畿輔河山指顧間座上香

雲迎 法駕空中鐘梵悟塵寰一樽竹葉真如夢曾記僧廊

解珮環甲申隨 輦過此與張侍郎懷月飲長廊下

恭和 御製經雄縣城南因命加賑有作元韻

輦路逶迤紫淀餘，燕南秋潦偶停瀦。
茅檐近已安耕垡，楓陛猶殷念澗淤。
恩詔屢銜天上鳳，生機全活壑中魚。
春風到處瞻黃到，億兆寧愁獨後予。

恭和

御製思賢村行館四疊舊韻元韻

故居今已作遺祠

今祠卽韓嬰故居

功在儒林不朽宜，千古常山存

絕業一時太傅領，清資空聞後裔能。
言易

漢書孝宣時涿郡韓生其後也以易

徵待詔殿中口所受

易卽先太傅所傳

尙有遺書見說詩

謂韓詩外傳 考古思賢窺

睿念欲將經術契無爲

恭和

御製命截留漕糧三十萬石於北倉以備

直隸賑恤之用詩以志事元韻

和鑿本挾惠風行備賑猶蒙切

聖情蒞屋佇看雙穗喜

神倉又截十分贏，決排策早徵輸速蠲復。

恩多市價

平野老豈能知 帝力多方 宵旰爲羣生

恭和 御製紅杏園七疊前韻元韻

園以紅杏名花紅照 瑯輦地當樂壽縣境似華林館同此
藩邸開獨爲傳經顯迄今逾千秋望古情彌展 堂階爵古
意書冊適閒遣兼有綠楊風泠泠晚尤善

恭和 御製德州過浮橋作元韻

東省頻年報有年萬家煙火倍從前固知富庶能成此應屬
恩膏屢沛然齊乘舊通三輔近鬲津直下九河連黎氓
歲歲瞻 雲切爭向巖梁俟旃旃

恭和 御製降旨豁免山東緩徵積欠詩以誌事

元韻

聖念民依在有年尙虞逋累自從前緩徵早荷 仁施渥盡

豁尤承 惠澤全麥隴地滋容積臥桑牆日暖伺蠶眠齊風
魯頌歸熙皞均受 天家景福駢

恭和

御製賦得野合時雨潤元韻

輦路春融日村原曉霽天釐楚初掩冉嘉澤已芳鮮節候桐
華始和甘穀雨先如膏滋繡壤似露浥桑田觸石堪徵矣清
塵共快然紅霑桃競坼綠盡柳將眠 邳治登三五豐穰兆
十千敬惟 時若意作肅塵彌虔

恭和

御製再題山陸店元韻

云云浦澍滙藹藹村莊明猗與衍沃壤富媪資馮生此疆隸
平原奚有曲陸名推本九河舊水國殊郊坳面勢互縈絡計
里交縱橫古人因取義實足副其稱標題固附會辨難亦紛
爭 俯察揭妙理永以示筆耕

恭和 御製雨元韻

又值廉纖雨真滋稼穡甘地猶留宿潤氣已應春酣似霧濛濛
濛合如膏處處舍和因民志樂泥爲 聖恩覃麥定歧成
兩時看月紀三滿車甌宴祝良慰老農貪

恭和 御製靈巖寺七疊前韻元韻

尋幽愈見山堪樂標異真知地有靈隔嶺初陽斜見塔臨崖
瘦樹半依亭穹碑笏立青苔染祕竇泉深翠色渟屢次 春
巡遊 睿賞直將 奎藻寫真形

恭和 御製賦得泗濱浮磬元韻

清泗鍾精粹琳琅不常過斷來供繆樂懸處配登歌昔產山
靈壁新規出玉河鼓諧盤坎坎簫協鳳娑娑博股因時應清
揚得氣多浮筠良足貴拊石自殊科堵肆春官考旁前巧匠

磨從茲 虞陞上天地契麻和

恭和 御製行館元韻

茅茨松棟望非遙老稚歡呼雜庶僚 行幄雲開晴旭麗征
衣風定薄寒消 批宣閣報何妨晚捧出 奎章每及朝克
儉克勤昭 郵治四時玉燭萬方調

將至濟寧寄黃同知小松 易次振三韻

書札頻年屬雁臣百朋惠我拓貞珉漢唐寶刻接殘本歐趙
風流得替人河嶽正當臨勝地琴樽端可浣行塵 屬車清
暇同連袂舊侶新知意倍親

振三以北廬詩見示蓋卽今所云帳房也次韻

瓊帳穹廬詎足誇幕天席地任生涯壓來恐不禁風力疏處
偏能露月華數幅縫成供小住幾竿撐就便成家多君仍此

揮椽筆到處人疑貫月槎

聖駕躬詣孔林行釋奠禮奉

命分獻亞聖恭紀

釋奠

宸衷肅升香祀事隆神龕崇四配雅樂奏三終

主鬯昭精意循階共鞠躬尊師開典禮錫

命逮臣工奉

爵分行異隨班屏息同鼎芬煙暈碧燈焰燭搖紅簫管陶斯
詠牲牲潔更豐尙賢宏聖域考道啟儒風養氣傳心法仁民
黜霸功趨承咸穆肅視聽益昭融永作 時巡範均因至教
充蕭薌虔告備旭日耀圓穹

奉

命祭少昊陵及先賢顏子墓仲子任子祠

金天陵闕接丹梯喬木陰森鳩鵲嘯邃古元功侔五帝 時

巡祀典重三齊萬年弓劍神靈護十丈碑銘 御墨題瘞

玉焚香歌競奏似聞淵樂振雲霓

少昊陵

崇祠肅穆冕旒懸竟國階墀告潔鐫仰見行藏符至聖能將
德行冠羣賢簞瓢一室生平樂遵豆千秋禮制度祭告已終
還仰止歸仁克復倍拳拳

顏子祠

長劍高冠氣象雄揭來瞻拜仰英風知方有勇才原裕入室
升堂德亦崇井里舊霑清濟潤帆檣遠望會河通登臨想見
貽謀遠肅客荷衣便不同

仲子祠在仲家淺時賢裔貽熙年僅十四陰襲五經博士來見風度

甚端

英靈千古是湖湘禮重先賢考舊章請業憶曾來曲阜崇封
猶記在當陽金絲並奏兒童樂牲醴同登簿尉忙

時僅有佐雜二人執

事祇覺任城雲樹近欲尋譜牒已荒涼

任子祠

寓顏孝廉運生

崇架

書齋賦贈并示孔舍人信夫

繼

凍二首

政簡 行朝暇春深淑景長高齋煩灑掃退食足徜徉竹院

琴樽淨琅函翰墨香羣賢如晤對繙閱意難忘

蓮生藏 國初名賢尺牘

凡三十餘冊 眞大觀也

遙憶京華侶空嗟歲月逾經傳千世澤

孔主事體生繼 涵專精注疏

文記

五陵游

孔編修衆仲廣森爲予記陶然亭 雅集卷駢體甚工二人皆先歿

妙墨欣全刻遺書

待徧求

信夫爲張文敏公館甥前刻其 書爲玉虹樓帖又刻鑒眞法帖

何時恣賞鑒同上玉

虹樓

青縣

時奉 命同樹齋 尙書赴高郵獻事

將隨

玉輦向津河持節重看下楚波欲上肩舉回首望水

西莊外暮雲多

紅花埠

路出紅花古埠陰濃綠樹人家大勝昨經濟北西風撲面堆

沙

雨過檐飛乳燕雲開山仿眠蠶望到綠蕪盡處候人指是江南

至徐州寓館與叔華夜話

再藉皇華使重申翦燭情論年俱老大話舊倍淒清夏近河
流壯風高雨勢橫凌晨還喚渡浩蕩賦長征

舟中示樹齋尙書二絕

青簾畫舫本蕭閒柳岸蘆碇任往還絕似瑞園同直夜名香
小試鷓鴣斑

漁榔欲歇夜將徂酒冷茶溫興不孤明月一輪花十里滿身
香露過珠湖

高郵寓王文肅公故宅

烏衣門巷短牆遮灑掃初聞僕隸譁仄陋閒庭容旋去聲馬荒

涼喬木見棲鴉後賢已見曹司重

謂懷祖水部

清德猶傳父老誇

卻記京華曾造邾微言相示手頻又

子公車會試日曾邀助修會典

回至紅花埠得 旨復往江寧讞事送樹齋尙書北

上

候館兼旬共起居客中分袂更踟塗長應再陳封奏事重

何能定判書

時總督書君麟已去項戴巡撫閔君鴻元及布政康君基田均令解京而按察王君士棻知府

知州等俱分別交部治罪

雨後新波浮畫舫風前飛絮送征輿秦淮桃葉

前游地

尙書生長江寧

別我知公意未紓

睢陽驛

驛路正當江北蒼波漸近淮南但覺濛濛煙霧不知濕透征

驂

候館紅蕚一丈湖樓翠黛千層安得單衫小帽臨窗盡日閒
憑

五老畫圖曾見

杜祁公等有贈陽五老會圖

三鄉山水初經偏愛黃梅雨

細隔村煙樹冥冥

大柳驛

忽雨忽晴雲窈窕乍寒乍暖氣冥濛拍堤新漲人不到煙水
一頃飛鳧鴻

桑麻陰陰柳市屋葭菼漠漠漁家船身在南宮圖畫裏誰能
淡墨寫湖煙

滁陽驛

嵇山春盡草淒淒中散園亭迹已迷欲問廣陵遺曲杳竹林
日暮亂禽啼

昔年曾此住征興走馬重來水一渠猶有鼠姑能對飲不辭
醉墨滿牆書

訪姚姬傳鍾山書院

綠槐高館駐征輿把臂相看更起予六代江山依講席廿年
風雨歎離居性情恬澹先辭祿經義紛紛早著書聞道門牆
多俊侶莫教寂寞伴樵漁

六合渡江示許員外秋巖

兆椿

一碧澄江練唼啞撥棹來秣陵山色在棠邑夕陽開塔火穿
林遠漁歌極浦迴潮生葭菼外傾聽共徘徊

暮抵臨淮關

一騎長淮路雲山欲暮天柝鈴關外驛煙火塢中船初月低
山影驚濤醒夜眼行廚魯酒薄小飲已欣然

過泰安官舍示宋太守藹若

思仁

雲開巒翠撲中庭
適館傳餐雨乍停
玉檢金泥思帝典
秦碑漢柏想神靈
支笳未得千峯上
叱馭空慚五度經
聽說天門觀日出
紅霞百道動滄溟

交河懷古

壯士交河著襟懷
最激揚燈前雙鐵簡
攘臂走光芒
豪俠今何有
風沙自莽蒼
生平慷慨意亦欲舞魚腸

七月二十八日同吉侍郎有堂農奉使長沙出郊有作

西郊暑退晚涼生
重荷皇華使節行
祇惜千秋逢盛典
不
同鷓鴣上蓬瀛

玉蝀金鼇百戲陳
周南留滯意難申
計程應度瀟湘路
叢桂

香中望

紫宸

時八月十三日
自西華門至海淀

各省皆陳王會
皇上八旬大慶

邯鄲呂公祠

濁世由來盡夢中
夢迴尋夢更難窮
人家各有黃梁飯
撐枕何須待呂公

邯鄲曉發

殘月長星隱碧空
輿鴉軋過祠東
疎疎幾翻豆葉雨
策策一道蘆花風
宿靄漸收秋水碧
連山忽斷曉霞紅
黃梁餘夢朦朧在
驚聽鳴禽起亂叢

望蘇門山懷孫徵君鍾元

前朝季世隙天綱
僉王闞宦爭披猖
甘陵竟欲一網盡
白犢校尉提銀鑰
檻車夜出草橋北
詔獄慘酷埋忠良
容城孝廉魯衛士
氣壓燕趙悲歌行
斗杓先奉孫高陽
次友忠節鹿太

常聞信投袂來急難彙餽親納鬚髯張危言苦語斥彊禦共
驚口舌含風霜六芝煌煌萎犴狴逆億社稷將滄桑一木難
撐大厦覆脫身蜚遊尋山岡蘇門巖嶂清而蒼龍門雷首相
頽頽朝巒暮靄極窈窕春蘭秋菊皆芬芳廬數椽此卜築
絕勝泉石兼松篁夏峯村畔開高堂英髦負笈趨門牆型仁
講義法周孔窮理盡性追羲黃司空湯文正少詹耿逸庵俱碩彥
服膺奉守欽珪璋我今過此僅兩舍式閭何自申椒漿五世
子孫歎徂謝百年文獻寧凋傷宗傳近旨尙可購亟圖鐫刻

垂膠庠

先生著有四書近旨理學宗傳二書

行次滎陽家明府敦初同陳學博理堂變夜過寓齋
兼示新刊吳會英才集小飲有作

郵亭日暮卸行裝二妙同來話舊長最喜鬚眉俱歷落自憐

腰脚待扶將，衡茅燈火追前夢。

理堂曾於壬寅歲暮小住三泖漁莊

關輔雲山

憶對牀。

余在西安與敦初聚首最久

薄宦羈游俱未遂，夜闌酒罷意蒼茫。

吳會新詩並絕倫。

挑燈繡罷意難申，山邱久宿霜前草。

集中黃仲

則高東井謝世已數年矣

湖海終留席上珍，孤竹馬衰慚識道，豐城龍起

合通津，獨愁明發分岐處，無計同看月滿輪。

時八月十四日

許州

柳陰一路似江鄉，撲面西風漸送涼。昨夜山前新雨過，沿溪十里稻花香。

觀魏大饗受禪二碑

貔貅十萬揚旌旄，老狐乳質爭咆哮。諸袁已盡奉先滅，赤伏潛易當塗高。烏林一炬久逃竄，孝廉聲勢臨江臯。許昌距吳數百里，江淮汝漢縈南條。阿瞞築官具深意，削木便擬凌風

濤三臺歌舞尙未竟九首鬼伯潛相邀子桓繼起更狡鷲竟
託禪讓依唐堯分香賣履言未冷鼉聲紫色心尤驕相國將
軍官四十劍佩踰濟從誼叟乃陳降祥珍瑞集再記款塞呼
韓朝方當寢苦枕函口袁冕黼黻山龍昭圍場干步壇九尺
拜奠靈冊陳南郊無君無父意自得大書深刻垂瓊瑤仲謀
奉表亦豚犬龜象作貢供臣寮公問剗刃入南關黃初四世
如風颺蜀吳尙在魏垂滅唯餘碑碣猶宕巍吾見此文亦已
久揭來親讀披蓬蒿三十二行行款正加以隸體無殘凋鍾
繇梁鵠字莫辯華散賈詡名難淆比於構杙可垂戒何待後
世相警警廢官久作山陽廟靈旗石馬還蕭騷

登黃鶴樓夜飲作示秋帆制府諸君

往歲南來經鶴渚荆江堤決蛟龍舞長官四出掇流亡載酒

何人稱地主茲行風月正清秋制軍方伯邀前騶相看一笑
互摻手攝衣同上城西樓木落雲開恣極目冉冉斜陽下林
麓穠稔將收萬頃黃菰蒲猶映千層綠臨風舉觴長筵開且
舒勞瘁消塵埃銅盤銀蠟已徐上更待皓魄凌空來談詩說
劍皆稱快賓主風流真絕代不須絃管奏誼豈喜有江山助
瀟灑胡牀吟嘯庾元規投轄藏鉤勸醉歸謂陳方伯
望之准惜少仙
人橫玉笛白雲黃鶴夜同飛

宿臨湘萬年庵

遠水漲柔藍層岡抱濃綠秋初風微涼稅駕近佛屋徒倚壁
間詩舊游率鬼錄還怡雨玉人沈吟緬湘竹壁有澗文定公
詩蓋撫湖南時
作又寺記稱驛舍係冲泉少司空修冲泉以丙午秋下世而
戊申文定繼之文定詩本和吳雲巖鴻作雲巖先任湖南學
使其門人宋編修銑亦嘗爲衡州太守往時歸弟有
連璧之譽均與余善今亦先後下世矣故并及之

過洞庭湖滙口

蒼茫遠勢似滄溟取次行程到洞庭
霜露漸凋秋樹綠煙嵐微覺遠山青
路通吳楚迎江界地合瀟湘證水經
擁傳卽今瞻浩蕩從戎憶昔共飄零

巳丑冬同趙升之過此

湘江晚泊

雨霽湘江夕照妍披襟小坐意悠然
濃陰誰種千竿竹香稻初收萬頃田
紅葉近遮沽酒店白蘋多傍釣魚船
分明一片吳淞景豈料清游在楚天

九月初十日家梅溪觀察

家賓

諸君餞於湘江驛舍

江天搖落能登臺何意蕭晨再舉杯
游讌幾同燕市酒風騷

還憶楚臣才

時梅溪議修湘江神廟卽屈子祠也擬以宋玉景差唐勒庾信配之

兩行絲竹人

將別千里煙波鴈又來他日蘅蘭花發處雲藍早望手親裁

湘鄉

殘更時候欲霜天
疎柳橫橋月半弦
夢斷香消人不寐
又聞寒笛一江煙

安南國王阮光平以萬壽祝釐入覲禮成而返

棹過長沙聞余等即日回京來見紀之

長刀植立儼威儀
歸路尤殷荷燕思
御極八旬開壽域

來王萬里仰
崇禱身兼羽衛依仙仗
清門侍衛上行走
上命王在乾

樂識簫韶喜
賜詩此去富良江
上過奉藩譽望播蠻陲

松滋亭作

薄雪脩脩霽寒雲
淄淄虛展聲通小
市帘影落清渠竹
樹春

煙裏山嵐夕照餘
湘江三四曲
曬網愛村漁

羅嶽五院長招飲

橋州畫靜雨濛濛
裙屐偕來敞綺櫳
瑣院憶曾三次共
余與院長及吉少司馬麟郎中喜丁
及王方伯懿德於己卯辛巳
癸未三年同校鄉會試
霜臺難得六人同
員外雲錦許員外兆楮皆先後爲御史而余亦承乏副憲故云
江湖舊侶欣無恙
絲竹清音聽不窮
莫歎心期當歲晚
好傳雅集寄詩筒

過觀音橋上吉祥寺卽太白所詠白兆山也

昨從應城宿曉望
京山行煙巒聳蒼翠
拔地西南橫遂有觀音
嶠曲折趨化城
石崖出奇秀空嵌兼
崢嶸鍾乳所疑結
藤蘿互迴縈竅穴各
穿透剡刻皆天成
超然觀自在瓔珞垂
前楹松龕梵唄靜蓮
座香雲生塵根至此
盡蕭寂疇能名再上
妙吉祥古桂疑千齡
寺右見飛泉百丈懸
晶瑩娑羅繞絕磻清
籟交琤瑀伽藍惜荒
蕪少見僧離迎昔時
李供奉於此紆幽情
桃花巖尙在何時見
飛英空詠謫仙句
噉噉哀猿鳴

荆川寓劉氏江村碧樹山房將去有作

江山秀而雄萬雉壯南戒其中三畝園亦復富松檜深池繞
其前層厓護其背碧蘚與紅藤交榮等圖畫苔壁繫幽琴繩
牀置方罍似爲聽事餘耳目發清快不知一綫隄民生判利
害朝看石輪囷晚驗濤泐泐焉能趁蕭閒俯仰適自在棲遲
將及旬亦少釋疲憊仲冬風日融欲別知難再禽鳥亦依人
飛鳴宛如話

重過湘纍廟

蕭瑟前游地緣蘆繫短槎雪晴雲似葉江遠浪如花慢捲啼
飢鼠林疎見墮鴉獨憐香火絕誰念賈長沙

長沙除夕

草草杯盤喜見辛鎖廳暫擬作閒身擁鑪聊似消寒會載酒

猶來饋歲人玉漏漸移頻問夜

將以五更闕行禮

燈花齊發欲爭

春舉頭莫道長安遣俊侶仍多上國賓